

後村千家詩

三



十七

分門纂類唐宋時賢千家詩選卷第十

後村先生編集

百花門

桂花

秋晚未開 巖桂落英
賣木犀花

宋賢 桂花

何應龍二首

露粟藏金一半開
層層碧玉映樓臺
西風昨夜吹香過
人在闌干待月來

又

一樹婆娑月裏栽
是誰移種下天來
金英恰似清霄月

一度圓時一度開

桂花

邵清甫

絕憐月殿好根芽流入人間次第開只有君家雙種好馨香曾達九天來

又

謝無逸

淪雪凝酥點嫩黃薔薇清露染衣裳西風掃盡狂蜂蝶獨伴天邊桂子香

又

宋貫之

多因譙國山邊種豈是嫦娥月裏香願與兒孫積陰德東堂時占一枝芳

又

朱淑真

彈壓西風擅衆房十分春色爲伊忙一枝淡貯書窗下人與花心各自香

秋晚未開

朱淑真

著意栽詩特地催花須著意聽新詩清香未吐黃金粟嫩葉猶藏碧玉枝不是地寒偏放晚定知花好故教遲也宜急趁無風雨莫待霜高露結時

桂花

楊誠齋

天將秋氣蒸寒馥月借金波滴小黃不會溪堂老居士更談桂子是天香

又

劉後村

生得粟來大妝成蠟樣黃落金遮蟻穴釀蜜滿蜂房月

下高低影風前遠近香夜深清到骨幽夢繞胡牀

又

宋壺山

揭紙糊窗莫放開園丁新送木犀來繞屏著色無非畫
盡日烘香不用煤同氣相求唯逕菊後生可畏獨江梅
月中一本應靈異待向仙娥覓種栽

又

戴石屏

金谷園林知幾家競栽桃李作春華無人得似天工巧
明月中間種桂花

又

林季謙

綠葉園林秋未霜小籬放藥近重陽西風故欲為渠地
掃盡巖頭樹樹香

又

歲華翻手又淒涼世味令人鬢欲霜淚眼見花愁入骨
西風吹去為誰香

又

華岳

西風吹老碧蓮房萬壑風流拆麝囊謾與籬花爭曉色
肯教盆蕙壓秋芳月中有女爭分種世上無花敢鬪香
要識仙根迥然別一枝開傍御家牆

賣木犀花

周端臣

拚却枝頭沾酒物湖邊博得木犀花西風可是無拘束
一夜吹香直到家

落英

華岳二首

淨掃庭階襯落英西風吹恨入蓬瀛人從紫麝囊中過
馬踏黃金屑上行眠醉不須鋪錦褥研香還解作珠纓
宮娥未許填溝壑收拾流蘇浸玉嬰

菊花

五月菊
十月菊

唐賢 菊花

張彥發

秋風籬落遠晨起自移栽稍覺微根損須遲數日開最
清人愛重乍見蝶疑猜昔有陶元亮因茲歸去來

十月菊

鄭谷

節去蜂愁蝶不知曉庭還繞折殘枝自緣今日人心別
未必秋香一夜衰

時賢 菊花

楊誠齋

物性從來各一家誰貪寒瘦厭妍華菊花自擇風霜國
不是春光外菊花

又

王臞軒

弱幹簪頭大鮮葩蠟樣黃攜來煩稚子喜甚見重陽擬
與浮花竝看渠晚節香今宵持供聖一粲動天皇

又

忙裏何曾把酒卮一愁心事付東籬等閑應被西風笑
老却黃花未有詩

五月菊

宋壺山

東籬千古屬重陽此本偏宜夏日長會得淵明高臥意

故來同占小窗涼

十月見菊

趙信庵

落拓山園載酒來江梅含雪倚春臺黃花無藉秋光老
猶自離披帶雨開

十月菊

潘紫巖七首

香名不枉入騷壇最愛霜枝傲歲寒切莫逢人歎遲暮
何曾委地有彫殘人如靖節方堪採世欠靈均少得殘
甚矣吾衰閉門坐籬邊自折一枝看

又

先生嗜菊菊中仙不把東籬博秫田九日於中誰不愛
勤餐何或可得延年

又

夕陽西去一憑欄眼底黃花自歲寒姚魏終皆非正色
請君細把楚騷看

又

不染東籬一樣黃枝頭瑣細白而香勞將茉莉相題品
未必蓮花似六郎

又

一段風流玉琢成開從霜後越精神休嫌茉莉非吾配
曾見張良似婦人

又

白白黃黃自歲寒詩翁但作菊花看牡丹茉莉非吾事

自是時人被眼瞞

又

親向東籬手自栽夕陽小徑重徘徊
花應似得人乖角
過了重陽却爛開

蘭花

取劍蘭 種蘭花
附 一榮一枯

時賢 蘭花

王臞軒

見山堂裏小春寒觴政詩囊甚有歡
重客分明知小李
美人自在寫猗蘭直須博去紉為佩
只欠香來劣可餐
菊礪一枝尤灑落不妨人作易芳看
小李善畫蘭

又

劉後村

蕭艾敷榮各有時深藏芳潔欲奚為
世間鼻孔無憑據
且伴幽窗讀楚辭

又

潘紫巖三首

長身大葉聳叢叢生處雖殊臭味同
全帶安期溪澗碧
微偷勾漏箭砂紅聞名久向騷經內
識面翻從要服中
等是海山閑草木東皇一顧便春風

又

聞說吾家一種蘭移來遠自劔津灣
葉如壯士衝冠髮
花帶癭仙辟穀顏行輩合推梅以上
交游多在菊之間
平生我亦好修者乞取幽蘭鎮小山

遣人取紫巖劔蘭

後村千家詩卷十
萬里鯨波一葦航坐移楚畹置吾傍葉侵海氣三分瘦
花比家山一樣香灌溉預先收露水栽培偏愛近朝陽
莫教晚節儕蕭艾我欲歸來結佩囊

種蘭花

趙時伐

深林瘦徑傲朝昏牙髮消疎氣骨存九畹誰移炎海角
半庭新補冷雲痕圃翁認葉非潼種墨客知花是楚魂
從此國香春不斷光風滿地長兒孫

一榮一枯

劉後村

兩盆去歲共移來一置雕欄一委苔我拙扶持令葉瘦
君能調護遣花開隸人挑蠹巡千匝稚子澆泉走幾回
亦欲效顰耘小圃地荒終恐費栽培

薔薇

附紫薇

唐賢

薔薇

張 祐

曉風抹破胭脂顆夜雨摧殘蜀錦機當晝開時正明媚
故鄉疑是買臣歸

又

朱慶餘

四面垂條密浮陰入夏清綠攢傷手刺紅隋斷腸英粉
看蜂鬚膩光凝蝶翅明雨中看亦好況復值初晴

時賢

紫薇

劉後村

風標雅合對詞臣映硯窺窗伴演綸忽發一株深谷裏
似知茅屋有詩人

葵花

附 黃蜀葵

唐賢 黃蜀葵

薛能

色黃新嫩欲題詩
盡日含毫有所思
記得玉人初病起
道家妝束壓襖時

又

李涉

此人莫遣俗人看
新染鵝黃色未乾
好逐秋風天上去
紫陽宮女要頭冠

芭蕉

唐賢 芭蕉

杜甫

一種靈苗異天然
體性殊葉如斜界
紙心似倒抽書

未展芭蕉

錢珝

冷燭無煙綠蠟乾
芳心猶捲怯春寒
一緘書札藏何事
會被東風暗折看

玉蘂花

唐賢 玉蘂花

王建

一樹瓏葱玉刻成
飄廊點地色輕輕
女冠夜覓香來處
唯見階前碎月明

又

劉禹錫

玉女來看玉蘂花
異香先引七香車
攀枝弄雪時回首

驚怪人間日易斜

橘花附柑

唐賢 柑

柳子厚

手種黃柑二百株春來新葉遍城隅方同楚客憐皇樹
不學荊州利木奴幾歲開花聞噴雪何人摘實見垂珠
若教坐得成林日滋味還堪養老夫

宋賢 橘花

丁謂之

香於梔子細於梅柳絮梨花過後開搔首預愁經惡雨
傷心初見落蒼苔丹青得到須名手題詠今疎信不才
莫怪主公相看好舉家新自洞庭來

又

黃山谷

君家秋實羅浮種已作纍纍半拂牆莫遣兒童酸打盡
要看雪後十分黃

山茶

宋賢 山茶

陶商翁

江南池館厭浮紅零落山烟山雨中却是北人偏愛惜
數枝和雪上屏風

時賢 又

劉後村

青女行霜下曉空山茶獨殿衆花叢不知戶外千林縞
且看盆中一本紅性晚每經寒始拆色深却愛日微烘

人言此樹猶難養暮灌晨澆自課僮

榴花

唐賢 榴花

韓昌黎

五月榴花照眼明枝間時見子初成可憐此地無車馬
顛倒蒼苔落絳英

又

幾年封植愛芳叢韶豔朱顏竟不同從此休論上春事
看成古木對衰翁

宋賢 西垣榴花

晏元獻公

山木有甘實托根清禁中歲芳搖落盡獨自向炎風

時賢 十月榴

劉後村

炎州氣序異十月榴始華是誰初植此石罅抽根斜綠
陰蔽朝曦朱葩奪暮霞始猶一二枝俄已千百葩染人
不能就畫史無以加

水仙花

附 金錢花

時賢 水仙

楊萬里二首

韻絕香仍絕花清月未清天仙不行地且借水為名
又

開處誰為伴蕭然不可親雪宮孤弄影水殿四無人
時賢 金錢花

邵清甫

也無稜郭也無神
露洗還同鑄出新
青帝若教花底用
牡丹應是得錢人

茉莉

時賢 茉莉

劉後村

一卉能令一室香
炎天尤覺玉肌涼
野人不敢煩天女
自折瓊枝置枕傍

又

盧梅坡

京塵湫隘蟻蚊多
彼美繁英玉雪窠
見謂嬌柔能特立
肯憑他物學藤蘿

又

徐千里

炎洲綠女雪為肌
十二朱欄月未移
香逼簾紋眠不得
為渠醒到打鐘時

又

趙福元

刻玉雕瓊作小葩
清姿元不受鉛華
西風偷得餘香去
分與秋城無限花

分門纂類唐宋時賢千家詩選卷第十

二十五日夜亥刻又盡一卷

上卷三行

棟亭藏本丙戌九月
重刻于揚州樓院

分門纂類唐宋時賢千家詩選卷第十一

後村先生編



竹木門

百草附

竹

附 笋

新竹

班竹

柳嘲竹

竹荅柳

直竹

唐賢竹

李涉

負郭依山一徑深萬竿如束翠沈沈從來愛物多成癖
辛苦移家為竹林

笋

何應龍

泥中莫怪出頭遲歷盡冰霜祇自知昨夜震雷轟渭畝

請君來看化龍枝

宋賢竹

蘇東坡

解籜新篁不自持
嬋娟已有歲寒姿
要看凜凜霜前意
須待秋風粉落時

又

朱淑真二首

一徑濃陰影覆牆
含煙敲雨暑天涼
猗猗肯羨天桃豔
凜凜終同勁柏剛
風籟八時添細勻
月華臨處送清光
凌冬不改青堅節
冒雪何傷色轉蒼

又

百竿直節拂雲齊
千畝誰人羨渭溪
燕雀謾教來唧噪
虛心終待鳳凰棲

新竹

黃庭堅

插棘編籬謹護持
養成寒碧映漣漪
清風掠地秋先到
赤日行天午不知
解籜時聞聲款款
放梢初見影離離
歸閑我欲頻來此
枕簟仍教到處隨

又

李元應

崢嶸澤國與煙村
飽見尖尖出土痕
稍倩南風開鵲尾
數煩夜雨送龍孫
平生直節初揮籜
後日清陰自庇根
殘月暮雲林外看
森森矛戟萬軍屯

班竹

洪适

妃子登湘岫
臨風粉淚彈
梨花多少淚
點點透琅玕

直竹

朱淑真

功直忠臣
柳樂竹孤高烈女心
四時同一色
霜雪不能侵

柳樂竹

楊 億二首

好在碧壇灣
叢底度歲寒
何堪裁鳳律
只好製魚竿
拂水煙稍潤
含風劍葉攢
芳陰聊奉庇
君試仰天看

竹荅柳

我自虚心者
君能百尺芳
未聞凌雪秀
唯解刺天長
葉密招禽宿
皮枯任蠹藏
他年丹穴鳳
恐不集垂楊

時賢 竹

任思菴

挺挺霜中節
沈沈日下陰
試裁蒼玉管
吹作紫鸞青

又

勁節不肯俗
濃陰相映寒
數椽如可惜
時聽報平安

松

附

枯松

松明

柏

楓

宋賢 松

鄭 獬

高標不畏雪
霜侵枉斲孤
根出舊林
但恐長安無地種
人家桃李自成陰

又

李誠之

半依巖岫倚雲端
獨立亭亭冒歲寒
一事頗為清節累
秦時曾作大夫官

又

青青石上歲寒枝
一寸菴前手自移
聞道近來高數尺
此身蒲柳故應衰

又
壯節無雙獨占春
靈根誰肯混凡塵
有時雷雨掀天地
疑是蒼龍獨奮身

又

謝子才
僧齊已

影浸僧禪濕
風吹鶴夢寒
尋常風雨夜
疑有鬼神看
時賢

潘紫巖

柯伐移來得得長
想渠歷晉復經唐
慣於巖畔諳風雨
可與人間作棟梁
二室七仙同守護
千杉萬檜任低昂
向來諸葛祠前柏
此物豈為伯仲行

枯松

白玉蟾

霜鱗雪爪一枯松
光似湖心見白龍
想得呂仙曾點化

挈雲攫霧去騰空

松明

林季謙

款款林梢落晚紅
小爐隨分一樽空
青熒爇火誰相語
坐揖凌煙十八公

陶侃柏

戴式之

四絕堂前枯柏樹
晉人栽植宋人吟
無枝無葉無吟處
聊寓一時懷古心

楓

趙德成

黃紅紫綠巖巒上
遠近高低松竹間
山色未應秋後老
靈楓方為駐童顏

楊柳

附

宮柳 柳絮 三眠柳
種柳 柳耳

唐賢 楊柳

温飛卿

楊柳千條拂面絲綠煙金穗不勝吹香隨靜婉歌塵起
影伴嬌嬈舞袖垂羌管一聲何處曲流鶯百轉最高枝
千門九陌花如雪飛過宮牆兩不知

又

鄭谷

半煙半雨溪橋上映杏映桃山路中學得何人惆悵意
千絲萬絮惹春風

又

皇甫冉

高拂危樓低拂塵灞橋攀折一何頻思量却是無情處

樹

不解迎人只送人

又

段成式二首

陌上河邊千萬枝怕寒愁雨盡低垂黃金穗短人多折
已恨東風不展眉

宮柳

枝枝交影鎖長門嫩色曾沾雨露恩鳳輦不來春欲盡
空留鶯語到黃昏

又

劉禹錫

花萼樓前初種時美人樓上鬪腰支如今拋擲長街裏
露葉如啼欲恨誰

宋賢 楊柳

陳恭公

一度春來一度新翠光長得照龍津君王自愛天然態
恨殺昭陽學舞人

柳絮

蔡確

楊花二月暮撩亂送春歸盡日閑相逐無風亦自飛輕
輕攔乳燕故故撲征衣莫上高樓望裴回滿落暉

又

石敏若

苦無筋骨大輕柔何物如君得自由帶雨飄來成墜雪
捲春歸去作飛球向人有意長如舞到處爲家不解愁
一陣東風邀勒住倒吹還補舊枝頭

又

朱中行

隨風逐浪事輕猥巧占人門欲夏天只恐障空飛似雪

從教糝徑白於綿

又

邵堯夫

臨溪柳帶正依依更被狂風來往吹薄暮不勝煙羃羃
深春無奈日遲遲誰家縹緲青羅皺何處踟躕金縷衣
猶恐離人腸未斷滿天仍着亂花飛

又

朱淑真

繚繞晴空似雪飛悠揚不肯着塵泥花邊嬌軟黏蜂翅
陌上輕狂趁馬蹄貼水化萍隨浪遠弄風無影度牆低
成團作陣愁春去故把東君歸路迷

三眠柳

謝子才二首

萬絲縹綠費春工斜倚闌干枕曉風兩被流鶯驚夢覺

依前睡趁海棠紅

又

嫩葉吹風不自持
淺黃微綠映清池
玉人未識分離恨
折向堂前學畫眉

又

呂居仁

含煙帶雨過平橋
嫋嫋千條復萬條
張令當年成底事
風流才是女兒腰

西征問柳

張芸叟

靈州城下千枝柳
歲歲官軍採作薪
他日玉關歸去路
將何攀折贈行人

柳

劉後村

靜是無憀動是狂
秋蟬兩兩抱斜陽
不知才思能多少
瘦得腰肢似沈郎

柳

林季謙

多情楊柳最憐人
小撚煙條問訊春
腸斷西風吹夢破
一番眉綠為誰顰

又

李億二首

倚岬依依一兩株
溪風吹影暮煙疎
青條拂水長如線
釣叟折來穿白魚

又

顏色鮮明能幾時
未秋黃葉已辭枝
都緣愛管閑離別
多恨多愁故早衰

柳絮

李梅亭

蝶撲蜂翻發出狂飄然欲上白雲鄉無端却被游絲攪
縮住春風舞幾場

又

白玉蟾

綠楊無力暖相依不管黃鶯送落暉絮被魚吹成雨點
化為蝶擾逐風飛

又

盧梅坡

晴欄看盡柳花飛一段風晴不自持若使化為萍逐水
不如且作絮沾泥

柳耳

李梅亭

風絮起時無續塞雨絲添處有珠垂黃鶯說盡千般語

舞困三眠總不知

種柳

宋自遜

短斫深煨倒插宜明年便有綠垂垂只因造化大容易
不見歲寒冰雪時

又

劉後村

少少旗亭夾道邊小橋終日水潺湲垂楊種後方二尺
惆悵成陰是幾年

百草附

宮草 萍

唐賢草

鄭谷

花落江堤簇暖煙雨餘江色遠相連香輪莫碾青青破

留與遊人一醉眠

宮草

劉長卿

君王不可見芳草舊宮春猶帶羅裙色青青向楚人

又

崔國輔

長信宮中草年年愁處生時侵珠履迹不使下階人

萍

陸龜蒙

曉來依約半池明重疊侵沙綠翦成不用臨池重相笑
最無根蒂只浮名

宋賢

萍

邵堯夫

花間山畔綠如茵興廢曾經漢與秦占了山川無限好
愁傷今古幾多人嚴霜殺盡還逢雨野火燒殘又遇春

不見道傍多此物農家長是費耕耘

苔錢

趙循道

班班染黛色差輕个个微圓類綠萍不比榆花鋪砌白
未饒荷葉點溪青陶鎔盡出春宮巧磨雨多因夜雨零
好與詩人買風月何妨貯積滿空庭

時賢

萍

宋謙父

苦無根蒂逐波流風約纔稀雨復稠舊說楊花能變此
是他種子已輕浮

苔錢

趙福元

繞徑玲瓏撒綠錢田田成百又成千未知買得春多少
草帶不妨長短芊

又

葉起潛

青錢點點浮鵞眼綠毯鱗鱗織翠毛聚散因風翻覆手
池塘猶喜沒驚濤

上堂三行

分門纂類唐宋時賢千家詩選卷第十一終

十一月十五日午刻校

棟京藏本丙戌九月
重刻于揚州博覽

分門纂類唐宋時賢千家詩選卷第十二

後村先生編集

天文門

日

唐賢日

李嶠

日出扶桑路遙昇若木枝雲間五色滿霞際九光披

又

錢易

洛浦全開鏡衡山半隱規相歡承愛景共惜寸陰移

又

杜甫

夏日出東北稜天經中街朱光徹厚地鬱蒸何由開

月

附霜月 雲掩半月 十四夜月
新月 半月 翫月 十六夜月

唐賢月

李建樞

昨夜圓非今夜圓却疑圓處減嬋娟一年十二度圓缺
能得幾多時少年

霜月

李商隱

初聞征鴈已無蟬百尺樓高水接天青女素娥俱耐冷
月中霜裏鬪嬋娟

宗賢月

劉翰

春冰一片淨無瑕萬里清光遍海涯欲與嫦娥移桂樹

月中先合種梅花

十四夜月

范仲淹

光華豈不盛賞宴尚遲遲天意將圓夜人心待滿時已
知千里共猶訝一分虧來夕如澄霽清風不負期

新月

周開祖

落照西山夜色浮彎彎寒月掛雲頭寶奩新樣橫眉黛
珠箔斜懸半額鉤丹桂一枝初淺露金波千里未圓流
嬋娟三月纔成魄散滿清光四百州

雲掩半月

朱淑真

霜月凝寒着意圓橫天雲浪礙嬋娟嫦娥未肯全梳掠
玉鑑先教露半邊

時賢 半月

朱元晦

人間離別最堪憐
天上嫦娥恐亦然
昨夜廣寒分破鏡
半奩飛上九重天

翫秋月

趙崇森

玉宇秋光無一塵
人人共喜桂華新
看來世態炎涼盡
惟有月明無貴貧

初月

鄭仁叔

初月當樓滿
風簾倚望斜
光虧微有暈
桂薄不成花

十六夜月

急漿寒天闊
長江得月遲
最憐新缺後
全勝未圓時
夜雪潮千丈
秋風桂一枝
潛蛟易翻動
怨笛莫驚吹

又

揚誠齋

昨夜雲為祟
今宵月始妍
如何一日隔
便減半分圓
影裏偏宜竹
光中不認天
客來休遣去
我醉正無眠

星

唐賢 星

李嶠

蜀郡靈槎轉
豐城寶劍新
將軍臨北塞
天子入西秦
未作三台輔
寧為五老臣
今宵穎川曲
誰識聚賢人

雲

唐賢 雲

韓溉

輕惹離愁靄落暉如車如蓋早依依
山頭觸石應長在天際從龍自不歸
莫向隙窗籠夜月每來仙洞襲行衣
春風淡蕩無心後見說襄王夢亦稀

又

辛寅遜

因登巨石知來處勃勃元生綠
蘚痕靜即等閑藏草木動時頃刻徧乾坤

又

鄭準

片片飛來靜又閑樓頭江上復山前
飄零盡日不歸去帖破清光萬里天

又

郭震

聚散虛空去復還野人閑處倚筇看
不知身外無根物

蔽月遮星作萬端

宋賢雲

司馬光

映日成丹鳳隨風變白衣去來皆絕迹
隱顯兩忘機

風

附 春風 秋風 冬風

江上阻風

唐賢 春風

宋 邕

輕花細葉滿林端昨夜春風晚色寒
黃鳥不堪愁裏聽綠楊宜向雨中看

又

高 蟾

明月斷魂清靄靄平蕪歸思綠迢迢
人生莫遣頭如雪縱得春風亦不消

芳草和煙暖更青
閑門要路一時生
年年檢點人間事
惟有春風不世情

又

羅鄴

秋風

劉禹錫

何處秋風至
蕭蕭送鴈群
朝來入庭樹
孤客最先聞

宗賢 春風

王荆公

染雲為柳葉
翦水作梨花
不是東風巧
何緣有歲華

秋風

邢居實

目送閑雲盡
日愁寒來著
破舊貂裘憑誰說
與西風道
留取黃花點綴秋

江上阻風

朱淑真

正阻行程江岼間
江頭三日繫歸船
水光激浪高翻雪
風力推沙遠漲煙
撥悶喜陪尊有酒
供廚不慮食無錢
雕章見及唯虛辱
勉強賡酬愧斐然

時賢 春風

白玉蟾

底事東風苦欲寒
不教詩客縱游觀
無端虛把鞦韆送
落盡梨花似雪團

秋風

劉後村

黃葉瀟瀟忽滿街
獨騎瘦馬豫章臺
莫將宋玉心中事
吹向潘郎鬢畔來

又

姚鑪

灑氣薄衣襟
疎聲集暝林
鴈驚煙塞夢
鱸入故鄉心
靜

落階前葉清傳月下砧更憐茅屋破愁絕少陵吟

冬風

白玉蟾

雪白霞紅雲色黃晚風先辦曉來霜吹開一路江梅蘂
薰作九天沈水香

雨

附 春雨 夏雨 秋雨 祈雨 久雨

喜雨 夜雨 暮雨 江上遇雨

書堂遇雨 上嶺遇雨 登山遇雨

客中雨 舟中雨 漏屋雨

唐賢 雨

杜牧

連雲接塞添迢遞灑幕侵燈送寂寥一夜不眠孤客耳
主人窗外有芭蕉

春雨

李九齡

夾路輕風撼柳條雨侵香態動無慘採桑陌上誰家女
濕損釵頭翡翠翹

又

羅鄴

東風颯颯灑皇州能滯輕寒與勝遊半夜五侯池館裏
美人驚起為花愁

又

楊憑

暮雨^朝雲幾日歸如絲如霧濕人衣三湘二月春光早
莫逐狂風撩亂飛

夏雨

張俞

癡雲不斷常遮塔野水無聲自入池綠樹晚涼鳩語鬧

畫梁寂寂燕歸遲

秋雨

點的行雲覆苑牆
飄蕭微影度迴塘
秦聲未覺朱絃潤
楚夢先知薤葉涼
點水有紋浮淡碧
遠林無韻濕疎黃
螢稀燕寂高窗暮
正是西風玉漏長

觀祈雨

李約

桑條無葉暗生煙
簫管迎龍水廟前
朱門幾處看歌舞
猶恐春陰咽管弦

宋賢 春雨

朱淑真二首

東風吹雨苦生寒
慳澁春光不放寬
萬紫千紅渾未見
閑愁先占許多般

春雨

添得垂楊色更濃
飛煙捲霧弄輕風
染勻芳草茸茸綠
濕透天桃薄薄紅
潤物有情如着意
催花無語自施工
一犁膏脈分春隴
只慰農桑望眼中

又

周邦彥

耕人扶耒語林丘
花外時時落一鷗
欲驗春來雨多少
野塘漫水可迴舟

夏雨

朱淑真

烈日如焚正蘊隆
黑雲載雨瀉長空
乖龍霹靂一聲歇
庭竹蕭蕭來好風

秋雨

沈惟肖

耳根聽不歇滴滴冷於秋疑是山翁醉巖前枕瀑流

又

翁元廣

勢掠郊原飛急雨聲搖窗戶過奔雷坐知多稼連雲熟
不獨新涼傍枕來

夜雨

歐陽修

十里長街五鼓催泥深雨急馬行遲臥聽竹屋蕭蕭響
却憶滁州睡足時

江上雨

丁謂

雨驚魚食釣翁歸手把絲綸下蘚磯家在渡頭衝濕去
碎聲繁點逐蓑衣

久雨

朱淑真

幾度尋芳已不成又還寂寞過清明慳風澁雨顛迷甚
十日春無一日晴

時賢 春雨

趙崇森

連朝連夜雨春盡轉瀟瀟巷陌泥沾足田疇水浸腰麥
黃皆倒穗桑凍不抽條花事今休矣祈晴且救苗

又

白玉蟾

柳色煙光正鬪青桃花落盡杏花驚風從窗眼空中入
雨在簷頭滴到明

夏雨

楊誠齋 二首

一番暑雨一番涼真个令人愛日長隔水風來知有意
為吹十里稻花香

秋雨

禾穗輕黃尚淺青
村春已報隔林聲
忽驚暮色翻成曉
仰見雙虹雨外明

夜雨

呂紫微

夢短添惆悵
更長轉寂寥
如何今夜雨
只是滴芭蕉

又

潘紫岩

吟魂不飲覺惺惺
那更宵眠得雨晴
遍地亂沾霜
葉碎隨風斜上紙
窗明暗欣石罅
添泉脈幾向簷牙
認雪聲明日梅邊
曾有約西郊泥濘
未堪行

暮雨

暮燕翻雷天作雲
一聲歸鳥萬村昏
荒城寂寞無堪宿

月下搯頭雨打門

久旱喜雨

王臞軒

彌旬不雨懶龍乖
乾我茆齋一畝苔
火傘亭亭當午立
雷車隱隱半天來
催詩笑我孤吟苦
憂國愁眉八字開
池水甫能添幾許
兒童已報可浮杯

喜雨

林季謙

阿香誰使喚
行雷風馭前
驅電幟催江上
亂雲隨手變
屋頭流水建瓴來
枯田轉作豐年想
碧樹旋招涼意回
坐覺乾坤有清氣
却拈詩筆不能裁

登山遇雨

劉後村

與客同登萬仞崖
蔽天風雨驀然來
六丁白晝誅炎魃

百怪蒼淵起蟄雷毒蟒噴時林盡黑怒龍裂處石中開
吾生不及觀河決得賦斯遊亦壯哉

上嶺遇雨

黃白石

黑風吹雨又黃昏雞犬數聲山下村身在嶺雲飛處濕
不緣別淚濺成痕

江上遇雨

項平齋

夜窗疎雨不堪聽獨坐寒齋萬感生今夜故人江上宿
如何禁得打篷聲

書堂遇雨

華岳

風壘雲成片溝榭水作層濕書移案避添硯就簷承瓦
擊聲疑電窗低暗欲燈須臾西漏日晴意慢滕滕

又

趙希逢二首

急風吹不散膚寸起雲層覆手簷如瀉寒心雷莫承雷
轟天上鼓電掣眼前燈掩卷興深省書聲息口滕

客中雨

路滑山邊石灘渾水底沙曉風動銀竹夜漏滴簷花身
伴燈爲客心隨夢到家頑雲癡未散合喚阿香車

漏屋雨

趙宗森

官屋無錢可得修雨來難免震凌憂牆基有罅相將踣
地杖無釘自在浮僕折松枝通夾溜兒編竹葉學行舟
衣衾漂濕渾閑事且上書樓把畫收

分門纂類唐宋時賢千家詩選卷第十二終

廿五日未刻

棟亭藏本丙戌九月
重刻于揚州博覽

分門纂類唐宋時賢千家詩選卷第十三

後村先生編集

天文門

霜

宋賢 霜

歐陽修

一夜新霜着地輕
芭蕉心折敗荷傾
耐寒惟有東籬菊
金蕊繁開晚更清

露

唐賢 露

李 嶠

滴瀝明花苑葳蕤泣竹叢玉垂丹桂上珠湛綠荷中夜
警千年鶴朝零七月風願凝仙掌內長奉未央宮

霧

唐賢 霧

李 靚

樹在溪無影禽來鶻未知愛花留潤與避日卷陰移

又

曹公迷夢澤漢帝出平城涿野妖氛靜丹山霽色明

時賢 又

白玉蟾

淡處還濃綠處青江風吹作雨毛腥起從水面縈層泚

驚失林間一小亭

雪

附 春雪 賀雪 瑞雪 途中遇雪

夜雪 雪霽 雪後暖

唐賢 雪

唐彥謙

客來迷舊徑虎過識新蹤浦近渾無鶴林疎只有松

又

白樂天

何處更能分道路此時兼不認池臺冰鋪湖水銀為面
風捲汀沙玉作堆絆惹舞人春豔曳勾留醉客夜裴回
偷將虛白堂前柳失却將亭驛後梅

又

李義山

寒氣先侵玉女扉清光旋遶省郎闈梅花大庾嶺頭發

後村千家詩卷十三
柳絮章臺街裏飛欲舞定隨曹植馬有情應傍謝莊衣
龍山萬里無多遠留待行人二月歸

宋賢

又

林逋

清夾曉林初落數冷和春雨轉飄揚堪憐雀避來閑地
最愛僧偷過牻牆

又

蘇東坡

天風淅淅吹玉沙詔恩歸沐休早衙遙知清虛堂裏雪
正似蒼蘆林中花

又

石敏若

曉樹放開花意思夜窗添起月精神何如飛上參乘鬢
與惱紅樓歌舞人

又

風卷寒雲暮雪晴江煙洗盡柳條輕簷前數片無人掃
又得書窗一夜明

又

秦韜玉

雲掩寒空思寂寥玉塵飛糝滿春朝片纔着地輕輕陷
力不禁風旋旋消惹砌任從香粉妒繁叢自學小梅嬌
誰家醉捲珠簾看弦管堂深暖易調

又

北闕同雲掩曉霞東風春雪滿山家瓊章定少千人和
銀樹長開六出花

瑞雪

盡道豐年瑞豐年瑞若何長安有貧者宜瑞不宜多

宋賢 雪

蘇東坡

黃昏時作雨纖纖夜靜無風勢轉嚴但覺衾裯如潑水
不知庭院已堆鹽五更曉色來星幌半牀寒光落畫簷
試掃北臺看馬耳未隨埋沒有雙尖

又

黃山谷

夜聽疎疎還密密曉看整整復斜斜風回共作婆娑舞
天巧能開頃刻花

又

胡安國

彤雲無際朔風高萬竅噓聲正怒號梅徑有香迷皓萼
漁舟堪畫壓洪濤樵家束桂邀行客村館論錢吝薄醪

破臘莫嫌寒色重會看禾黍滿東臯

又

方惟深

翦水飛花着地乾世間顏色比應難謝家兒女空才思
只作因風柳絮看

又

曾 誠

瞥看塵硯忽生冰試出疎門雪已平棲鳥亂爭寒拱鬧
晚雞微傍凍樞鳴風花半結乾尤重雲葉初黃暗未晴
書罷擁衾渾不寐夜長惟聽灑窗明

又

王 震

未送餘寒歸解谷先傳春信到花叢侵凌竹色回新綠
點住梅梢破小紅

又

石敏若二首

簷角玉龍垂不流癡雲未肯等閑休
渾教玉樹開千里不放紅塵礙寸眸
珠滴瓊頭寒後蛺蝶披江上晚來舟
宮梅却恨花無韻封定香苞一夜愁

又

密片穿窗夢枕清農祥三白已占星
勾牽物色詩傳信排遣寒威酒有靈
弱柳非時飄暖絮亂鴉何處墜風翎
朝來拄頰還驚失不見山屏萬疊青

雪霽

李方叔

紙窗明晃晃雲日暗暝暝
半夜寒添被清晨雪擁門

夜雪

歐陽修二首

石泉凍合竹無風夜色沈沈萬籟空
試向靜中閑側耳隔窗撩亂撲春蟲

瑞雪

天工呈瑞足人心平地今聞一尺深
此為豐年報消息滿田何止萬黃金

途中遇雪

李時

天寒鴉欲棲客路尚遲遲泥滑寒驢澀
風斜破帽欹雲藏山斷絕梅苦雪禁持
客裏愁無着愁邊却有詩

又

朱淑真四首

飢禽高噪日三竿積雪回風墮指寒
秀色暗添梅富貴綠梢明報竹平安
冷侵翠袖詩肩聳春入紅爐酒量寬

簾外有山千萬疊醉眸回作怒濤看

又

寒鵲無聲繞竹籬凍雲四幕雪將垂北風不看人情面
控勒梅花不放枝

又

一夜青山玉換尖了無塵翳半痕兼寒鴉打食圍沙渚
凍雀藏身宿畫簷野外易尋東郭屨月中難認塞翁髯
梅花恣逞春情性不管風姨號令嚴

又

誰翦飛花六出尖素娥肌肉瑩相兼分明幻玉迷青塵
輕薄隨風入畫簾凍筆想停詩客手寒蓑宜擁釣翁髯

長安陋巷多貧士可見鶉衣透膽嚴

時賢 雪

趙信菴

玉龍昨夜起天涯曉看團花一尺圍莫放妝臺簾捲上
怕驚釵畔寶鸞飛

又

楊誠齋

揉雲翦水作風球夜落連明肯便休舊說六花元未識
偶看一片上駝裘

又

魏了翁

天馬流行澤上坤玉龍飛灑水邊村陽和入麥開新歲
寒色留梅作上元

又

劉後村

後村千家詩卷十三
衰桐無葉報蕭颼臥聽窗聲作許愁
檠暗冷光侵硯几
瓦疎飛片落香篝病思結客遊梁苑
狂愛提軍入蔡州
也欲訪梅湖畔去黃塵滿袖欲盟鷗

雪

徐元杰

瓦聲初聽響疎疎頃刻庭除百斛珠
寒雀不知來啄木
群雞粥粥亦相呼

又

盧鉞

笠澤高風寒凜凜苔溪凝雪白皚皚
扁舟我獨乘歸興
自是不因安道來

又

高九萬

小艇沿湖看雪飛正當騎馬蹋春時
是誰乞與楊花舞

先占東風一月期

又

方秋崖

酒醒開門雪滿山徑穿疎竹上危欄
溪山與我俱成畫
草木惟梅大耐寒留伴夜深銀鑿落
莫綠春近玉闌珊
老枝擎重供詩嚼一洗相如渴肺肝

又

潘紫巖

薄暮風吹一片雲可人滕六張吾軍
鋪勻世界能平等
補住梅花得十分但使一天長玉色
何須雙手裂龜紋
時清果亦多廉叟委地球璣若不聞

又

薄暮簷牙雨跳珠兒童指似雪先驅
初聞竹上來能密

後村千家詩卷十三
七
旋覺梅梢重欲扶北地多應三丈許南州近亦十年無
此間斷縛吳元濟看踏銀沙入獻俘

又

趙希逢

雲雪商量未了天模糊遠近色相兼白呵凍手拈詩筆
青向誰家認酒帘散亂飛花刁旋翦須臾平地尺誰添
也知表沴并呈瑞深淺階前自可占

又

華岳二首

朔風卷水入天渠翦作飛花散玉虛竹本無聲綠葉密
梅因有影怕花疎路從玉鑑上頭過家在冰壺裏面居
欲作一詩撩謝女不知為況近何如

又

一夜風神約海神盡將純素掩丹青四圍白壁成千嶂
萬里紅塵沒一星繞岬柳條垂玉帶壓牆梅萼上銀屏
好將今日平淮策說與當年李愬聽

又

趙汝鉉

病倦扶危坐起看天雨花蹇驢東野句破屋玉川家勇
羨穿籬犬飢憐噪樹鴉龍山雲壑勝冰柱憶劉叉

又

趙崇森

今年寒較早十月雪霏霏冰渚魚深逝風林鳥倦飛家
人催買炭客子慮無衣便好騎驢過羊羔酒正肥

又

白玉蟾四首

朔風吹冷裂窗紗重把羅圍繡幕遮青女先將霜起早

憐作憐

素娥始放雪飛花

又

曉來紅日尚羞明
四外同雲未放晴
一夜九天開玉闕
六花萬里盡瓊英

又

飛廉滕六逞寒威
費酒陪詩為解頤
雪待夜深飛落盡
梅嗔風惡放開遲

又

久晴忽爾雨絲絲
既雨還晴亦不疑
滕六假寧催入局
趙衰回避乞尋醫
搗霜碾雹此來个
翦玉彫冰片子時
一夜悄然飛到曉
滿天滿地化琉璃

夜雪

宋壺山

雪眼羞明夜轉飛
梅花未覺竹先知
一爐柴火三杯酒
誰記山陰有戴逵

雪後暖

戴石屏

先臘梅花謝不冰
溪水流早嘗春菜
餅暖卸木絲裘去
歲三冬雪今年百
穀秋此冬無此瑞
又為老農憂

雪晴

朱淑真二首

桃李無言蜂蝶忙
曉寒未肯放春光
花將計會千山日
風為栽埋一夜霜

又

早上新鶯語尚蠻
花無氣力倚雕欄
幸蒙殘雪回頭早

又遣東風薄倖寒

雷

附 雷鳴不雨

時賢 雷

高九萬

二月寒猶在春雲濕未開
灑窗終是雨發軔數聲雷
薈麥綠生腦棠梨紅折腮
西河花事動從此日裴回

雷鳴不雨

潘紫巖

海激天翻電雹真蒼枝十丈
擘為薪須臾龍卷他山去
誤殺田頭望雨人

又

樵子俄從問路回因言溪谷響如雷
分明雨怕城中去

只隔前峰不過來

虹

宗賢 虹

王逢原

晚虹隨雨過山巔誰插青雲倒掛懸
可惜兩垂空到海不令一直去衝天
豈堪暮靄時相旋常對斜陽亦可憐
好使容來能劇飲且教溪壑減深淵

又

秦少游

倒垂雌蜺掛西樓逐雨追晴去未休
安得萬妝相向舞酒酣聊把作纏頭
蜺蜺結切

上堂三行

後村千家詩卷十三

九

分門纂類唐宋時賢千家詩選卷第十三終

十一月廿五日申刻校

棟亭藏本丙戌九月
重刻坊揚州博覽



